

四庫全書

集部

欽定四庫全書

集部

梁園寓稿卷六至九

詳校官編修_臣翟槐

中書_臣劉源溥覆勘

總校官庶吉士_臣何思鈞

校對官中書_臣賈鏐

謄錄監生_臣范炎

欽定四庫全書

梁園寓稿卷六

七律

聞呼鷹

九月清霜殺草萊
誰人出獵傍山隈
一聲高向林邊起
大翮翻從雲外來
抵為戀恩飛不去
豈因求食喚將回
當年亦有荊州牧
曾築秋風百尺臺

明 王翰 撰

和成紀善許州懷古

漢季英雄總不如開屯遷許造邦初水生江口愁難渡
火烈磯頭怨未除月照禪臺文甍斷風穿獻廟玉床虛
寒烟衰草繁昌道欲讀殘碑幾字餘

三省軒

一片靈臺玉琢成時時點檢要惺惺通開舊壁方窺月
澄淨汙池始見星幾樹好梅連屋白滿庭芳草入簾青
功夫到此規模大不為區區老一經

送成紀善省親關中

端門賜告得馳歸雪霽沙堤淨不泥寒度鴈聲天遠近
早行林影月高低河源出塞金繩直嶽色連雲翠蓋齊
戲綵高堂稱壽畢歸期先報鄭門西

和王道錄韻其人嘗住茅山

兩首新詩墨色濃飄然逸氣有仙風
藜床清夢飛為蝶竹杖通靈化作龍
商皓芝田雲更白葛公丹井水猶紅
他年勾曲尋真去會向松邊問小童

勾曲仙山紫翠濃茅君出入跨天風高林賣杏曾教虎
大鼎燒丹乞與龍瑶草種成連澗碧蟠桃看得滿林紅
何時來問長生訣還入羣羊覓牧童

雪禁體

彤雲垂地四茫茫微霰初零集下堂重壓竹梢還欲折
密封梅蕊不能香氣凌盃酒渾無力凍澁琴絃已不張
擬學歐公吟白戰挑燈痴坐惱詩腸

再用前韻

北風吹雪正微茫
無間茅茨與畫堂
留得暎書徧瑩潔
掃來煮茗更清香
凍堅玉漏應難滴
力勁雕弓不易張
只有灞橋驢背客
敲詩搜徧九迴腸

和黃體方伴讀雪中即事

凜凜陰風捲暮霞
朝看庭樹總開花
漁舟一葉迷煙渚
獵騎千羣踏晚沙
淡抹牆腰疑月色
旋添池面結冰華
乾坤萬象俱清絕
何問陶家與堯家

奉教和懷友詩韻

南望停雲思有餘
兩經霜葉落庭除
故人一去長懸榻
驛使重來不寄書
終日倚欄吟伐木
何時對酒賦嘉魚
轉頭又近重陽節
孰與登高共把萸

和韻送陸員外

邂逅梁園始識君
喜瞻眉宇勝空聞
胷中泉石元無價
筆底珠璣迴不羣
一曲離歌迷汴水
滿襟歸興隔江雲
何時共賞金陵酒
對景新題興更分

扈從鄭門迎駕

萬里西來渡跋提賢王親迓築沙堤曇花水冷蒼龍蟄
貝葉芸香白馬嘶郁郁彩雲高捧日紛紛花雨淨無泥
歸依大覺資王化更演洪恩及庶黎

和劉菊庄先生韻

中條西畔築高亭夜讀林臯燈散星雨足小園催種藥
雪埋孤硯為窮經疎梅得月連窗白芳草和煙滿徑青
擬和小山招隱句他時把酒與君聽

家近王官舊有亭十年為客鬢星星心同陶令惟疎酒

宗繼文中不續經俗子每看雙眼白故人相對一燈青
挂冠欲買扁舟去說與沙鷗亦不聽

和黃伴讀雪意

彤雲水墨寫難工四野蒼茫一望中三麥正欣霑
雪千林先與戰東風昏昏淡月驚枝鵲漠漠飛沙失塞鴻
乘興有時佳客過莫教相對酒樽空

謝士烈送柴

三年為客住梁園兩眼昏眇雪滿顛詩好每教高士許

家貧多得故人憐驅寒但恨樽無酒借煖今欣竈有煙
慚愧題書問餘用欲求藟豆苦無錢

和體方立春日暄晴

春透簾櫳已解寒春盤相送擬追歡輕冰向暖難成凍
殘雪經銷不作團階下草芽方展綠枝頭梅子已生酸
袁安今有伸眉意莫作冬前故態看

送陳參政任滿赴京

佳政曾聞儼峴山名邦佐治笑談間官衙舊侍金鑾殿

人物今聯玉筍班
汴水放船冰已泮
隋堤送別柳初攀
百寮祖帳東門盛
冠蓋朝天望早還

春雪

一冬天氣喜溫溫
留作春寒故惱人
密灑紙窗疑是雨
旋鋪芳徑不生塵
舞同柳絮能爭巧
飛入梅花竟亂真
賦罷兔園看霽景
梁臺草色一番新

題王審理山居幽趣圖

買得青山似畫屏
石田茅屋稱幽情
曉分竹色連窗碧

夜送泉聲到枕清
松下濕衣聞露滴
溪邊倚杖看雲生
他年報答君恩重
歸去重尋鷗鷺盟

春雨亭

儀封教官亭子好
春雨題名意更深
雲起遠山凝望眼
雨鳴孤枕又驚心
紛紛草木生還足
忽忽光陰老易侵
不為東臯農事喜
一犁端直萬黃金

送通許張知縣考滿

繁臺草綠水流澌
正是郎官考績期
昔向斗牛占劍氣

今騎齋馬勸農時
雨餘梁苑花如錦
風煖隋堤柳拂絲
比到神京春正好
蓬萊宮殿碧參差

題臨清書臺圖

小溪春漲沒沙汀
竹樹連雲蔭草亭
輕染麥光臨碧落
細研鵝綠寫黃庭
芸香散帙秋熏燼
松火明窗夜讀經
好似瑤山西崦下
諸峯相對玉為屏

送河南王府判考績

三年佐治住東周
又及南轅報政秋
千里暮雲迷汴水

一簾疎雨別嵩丘，鳳臺曉上留新句。
虎監春行訪舊游，料得歸期在初夏。
杖藜攜酒待仙舟。

奉教詠白象

馴象安南產雪毛，浮洋北貢壓神鰲。
行襄御輦隨仙仗，入衛皇宮聽舜韶。
皓彩想從銀渚浴，穹形端似玉山高。
適來王會圖中見，勢比騶虞意更豪。

送黃先生裳歸嵩縣

終軍懷抱賈生才，深閉衡門久不開。
鶚薦兩從天外下，

鹿車今許隴頭回陸渾山好明如畫伊水波澄綠似苔
西望白雲親舍近滿襟歸興不須哀

別汴城諸友

三載王門老曳裾文章鄙俚世情疎病多傍肆常求藥
視短停燈久廢書報主壯心空磊落向人別意謾躊躇
他年相憶知何處淚灑黃河遡汴渠

思親處為孟叙倉代作

張氏

夷山孝子思親處正是江南親望時碧岫萬重連海徼

白雲千里落天涯
慈闈久別寧無夢
客舍紆情只有詩
遠道絕音心更苦
年來觸目總成悲

承顏堂為瞿述作

孝子愉親供色養
承顏新寫墨浮光
座間共喜雙椿壽
庭下重瞻五桂芳
綵服舞嬉春正好
白華樂頌日偏長
武林千載清槐路
會見賢孫構肯堂

簡臨潁大尹馬文隆

三載王門老教官
授經日日近金鑾
麝飄金墨詩情好

蟻泛宮壺酒興寬老去每生鄉土念歸來端為故人懽
何時策杖瑤峯下閑共雲山賦考槃

南行留別

五月南行道路長黃埃滿面汗流漿入淮四望山如米
過潁三程水似湯老去不堪鞍馬倦客行端為簡書忙
回頭却憶金門樂白紵烏紗坐晚涼

甘泉亭為徐儀賓作

開國名臣忠孝家靈泉湧出漱雲牙香浮翠甃清涵玉

冷浸銀床碧露沙
恩重王庭分德澤
祥開戚里永年華
自今百世同霑溉
福慶源源豈有涯

龍江送別圖

雲霄天街生晚寒
賢王鶴駕從千官
珠璣爭璨文章麗
花萼相輝兄弟懽
玉勒馬回風日好
錦帆船放水雲寬
化成一代天倫厚
傳共周詩永不刊

望雲思親圖

白雲天際閑舒卷
却似搖搖行子心
雲氣有時還變滅

子心無日不登臨高林度過含疎雨遠岫飛迴落晚陰
不羨梁公為令子但存忠孝古猶今

送夏典儀丁艱回金陵

梁園歲晚仍奔赴清血霑襟誦蓼莪鄉計數行心已折
家庭千里夢先過冶亭山暝蒼烟合采石江空落木多
此去蒙恩借才俊促歸南陌待鳴珂

雪夜聯詩圖

徐旭楊景華黃體方

三子清標骨已仙要將大雅繼唐賢詩吟柳絮春風外

人在梅花夜月邊
光奪蘭膏微有暈
氣凌茶甕濕無烟
想應一榻團圞處
絕勝山陰訪戴船

送孫克讓赴京

梁王臺下分攜處
疋馬行吟日暮時
囊索半藏青李帖
簡編重補白華詩
金壺賜酒浮香蟻
彩筆生花點玉螭
想到京華未殘臘
好音莫遣寄來遲

靜熙軒為伯振教授賦

逸客林居更闢軒
開軒時復看雲眠
偶來碧澗攜明月

閑弄枯桐作響泉松火夜窗搖絳影木香晨榻散青煙
客來相對無塵抱共說南華第二篇

陵陽春曉圖為審理賦

陵陽山下林亭好更有高人爲卜隣幾箇修篁鳴翠雨
一溪流水平隔紅塵靈虬過礪能迎客幽鳥到窗如喚人
一住梁園驚歲月春來頓覺夢歸頻

赴任廉州教授別臨穎教諭張朝宗司訓丁宗岱
別館傷心雙淚連畏途南去幾扶顛香如萍水家何在

縱有鱗鴻信不傳七十歸來如隔世
八千行到已經年
城南記取分襟處他日相逢是偶然

南行赴合浦別臨賴知縣朱士容

南來六月別京畿
邑宰賢明更可依
仕路白頭如我少
世途青眼似公稀
蠻江波浪何時到
嶺海風烟甚日歸
來歲中秋明月底
與誰把酒共清暉

時中秋前
一日作

送故人韓士林北上

少年鞍馬事弓刀
關塞風塵變二毛
午夜謾彈豪士鉞

卷六
一寒誰借故人袍
新豐遣興惟沽酒
澤畔行吟祇命騷
此去周南莫留滯
金臺重築待英髦

舟中望廬山

宮亭風靜鏡光平
回望匡廬翠靄凝
寶劒插天青玉立
香爐照日紫烟升
侵雲鳥道還通谷
隔水僧房祇見燈
擬向中峯看瀑布
生憎高岫白雲興

登吳城山望湖亭

遷客登臨暫艤船
吳山絕頂出風煙
豫章南去帆衝雨

彭蠡西來浪接天高士置芻思孺子華亭留句憶坡仙
當時石磬今何在空向神祠一惘然

贈陳仲寬劉嘉善二賢者

籍甚才名英妙年江湖何幸得同船清時未許公藏器
晚歲翻令我著鞭人物一雙真白壁文章百選中青錢
他時邂逅逢知己一薦雲衢上九天

送監稅李公考績

幾年攜杖看山心回首離情滿素襟畫鷁衝開江水綠

玄猿啼斷越山深
長干沽酒臨風酌
采石題詩對月吟
復職歸來春欲半
梅關花盡已成陰

鬱林州道中

一生夢不到廉州
七十方知事遠游
山接蒼梧從北去
水通合浦向南流
鬼門關外人行少

在北流縣南

海角亭邊

客過愁只有
鷓鴣似鄉舊
數聲叫斷瘴雲秋

北方飛鳥雖鴈不過

嶺南惟鷓鴣至焉

題邾陵川瓊花賦後

后土祠前春未歸揚州城下塞鴻稀
仙人種玉雲迷洞使客揮毫露濕衣
共道肝腸如鐵石誰知咳唾有珠璣
茂陵屬國詩雖好空向羊羣看雪飛

梁園寓稿卷六

欽定四庫全書

梁園寓稿卷七

明 王翰 撰

七律

憶平陸舊遊

金鷄山頂鄧家園乘興來遊坐水邊
柿葉染霜圍錦帳菊花承露散金錢
溪頭怪石如人立洞口蒼苔待我眠
何日再同三二友一壺濁酒送殘年

懷東城舊遊

水邊臺榭竹間亭日日幽閑共客尋妙曲唱闌懽再和
芳樽引滿却重斟箏彈夜月金鶯語笛弄春風綵鳳吟
往事已同風雨去衰殘無復有初心

雙鶴

愛爾仙姿久出胎如何困滯在塵埃他山松頂足明月
何處水邊無綠苔引頸有時思遠漢戀恩終日立空街
自今便好仙山去莫為羣雞生怒猜

讀歐文

先生筆底有風雷
訓練強兵自握機
埋獄龍泉須斂鐸
蘊山荆璞不藏輝
經丘覓壑滌山樂
問舍求田潁水歸
本論實宗原道說
眉山何事不傳衣

借木綿衫

木綿如雪勝香羅
一借斯文不再過
近照翠奩知恰好
更加烏帶問如何
浣餘但覺薰香減
書罷常愁醉墨多
友義自今誠可重
同袍詩句正堪哦

晉陽寒食

并州三月逢寒食旅况蕭條百感中
草吐嫩芽猶滯雪柳含輕絮未隨風
高原拜掃家家哭小院鞦韆處處同
猶記去年張谷里落紅撲馬畫橋東

韓教授取抄詩稿以是答之

白髮刁騷六十翁一生何事坐詩窮
雕天運海非為貴流水行雲始見工
市玉不容夸腐鼠探珠直欲犯驪龍
當年束縵牛腰大今日樽前一笑空

大雪偶成

北風吹雪散瓊英疑是雲孫巧剪成平地鋪來偏潔白
漫天飛處總輕明銀河傾瀉呈祥瑞玉燭調和兆太平
來歲改元新治化萬邦無事樂春耕

鬪雞亭二首

一丘獨立勢崔嵬形迹還疑是古臺龍井效靈霑縣邑
神祠肖像儼公台谷雲度水風牽過野霧埋山雨洗開
如此風光良不惡思鄉何用賦歸哉

亭上題詩記我來我來望眼與君開
荒陂斷壟依林麓
曠野孤村入草萊
勝概已為先輩賞
登臨常使後人哀
行藏有命非吾必
何問雲臺與釣臺

送孫太雅赴京

蓼莪誦罷淚沾巾
吉服初成值早春
昔入枌榆曾宰社
適來芹泮久為賓
雪消江上風濤壯
雨過淮西草樹新
此去青雲高躡足
佇看鵬鷺離風塵

秋懷

秋憲昨夜秋風起百感心成一寸灰千里鴈來書未至
五更蟲語夢初回地連洛汭浮雲斷山接滎陽夕照開
何日黃河航一葦中條山頂望青臺

鬪雞亭秋望

扶筇獨上鬪雞亭俯瞰平郊望眼明路入洧川寒曉斷
山連新鄭暮雲橫煙生茅屋人家少風起沙崗鴈陣驚
況是老年多抱疾豈堪登眺重傷情

梅花次韻

祇疑姑射是花神
素影橫窗月寫真
斜出短籬猶皓鶴
獨居空谷似佳人
風前落去多沾石
水畔開時不染塵
總把百篇珠玉盛
端能換得十分春

德星圖

昔人亭子有遺堆
日日登臨車馬來
二老高風留故事
諸郎雅望盡奇材
衣冠會集星辰動
賓主相逢懷抱開
千古清芬人共仰
何須聯步到公台

再詠

昔人久已為塵土猶記儀形入畫圖共輓小車兄弟樂
笑揮談柄主賓娛禮行樽俎賢人聚光動雲霄太史書
誰寫富春嚴處士滿江明月釣臺孤

送陳詞訓回京

幾年蹤跡困名場一第棲遲又可傷旅眼慣看秦樹碧
征衣尚染洛塵黃燕城北望雲山斷京國南歸道路長
我欲留君同是客驪駒初唱勸離觴

望雲軒為白先生賦

大行高岫晚崔嵬千里平郊霽景開每為望雲生遠思
那堪愛日起深哀老親徒倚腸應斷游子登臨首重回
歲久慈幃疎定省小軒終日獨徘徊

簡臨潁令馬文隆

三年我作鄢陵客半載爾為臨潁官歲月無情空冉冉
風塵不定浩漫漫愁來白髮三千丈醉倚畫樓十二闌
老去功名已無意任拋青鏡不須看

中秋和趙孟弘二首

廣寒深處有仙家跨出秋空白玉蟆
顥氣挾寒成露顥輕風拂曙結霜華
冰盤出海無纖翳寶鑑當空絕點瑕
擬向清虛瞻兔魄不堪老眼欲生花

銀漢昭回勢欲流瑤臺露下冷光浮
輕風捲雨作佳夕皓彩射空生素秋
老子據床多逸興孀娥依桂不生愁
此宵常被陰霾悞來歲高堂得賞不

雲林書舍為黃金華題

山中四序多佳趣况住白雲綠樹間
繞舍流泉聲瀼瀼

隔簾幽鳥語闌闌晴窗閣筆抄書罷春沼留香洗硯殘
羨子妙年方膺仕豈容歸隱佩秋蘭

壽王教諭

楊柳初青鶯語嬌祝君五福若春濤亭前衆子皆蘭玉
席下諸生列俊髦九萬鵬程天地闊八千椿筭海山高
花開滿眼春無際儘放詩豪與酒豪

過趙州石橋和杜緱山韻

隔斷紅塵竟不飛客行石磴不粘泥高連曉岸堆晴雪

斜跨青波卧彩霓山勢遠連滄海闊地維平見太行低
故園回首幾千里悵望碧山山更西

過涉縣

兩岸青山幾萬里中間一水走如龍數家市肆無居貨
百戶廂民盡務農兵燹罕經祠廟古蝗灾不值歲時豐
前朝令尹多佳政道側蒼碑記范公

自涉至黎城山行即事

涉城城下渡衡漳一道青林百里長雲表連峯馳健馬

途中亂石卧羣羊溪頭雨過莓苔滑谷口風來藥草香
鞍馬倦人聊少憩山蟬無數噪斜陽

過李靖祠

神頭嶺下衛公祠樓觀穹窿覆古碑堪笑韓彭真豎子
指揮褒鄂似嬰兒金戈鐵馬興王日羽扇綸巾滅寇時
戰策本期經國用初心不與亂臣知

王寨遇雨

西風吹雨晚瀟瀟山館無人夜寂寥病後豈堪鞍馬倦

老來偏怯路歧遙孤燈耿耿夢初斷雙棹悠悠魂欲消
自是奇窮多坎壈非干王事獨賢勞

過東吳嶺

東峯西峯相對起南人北人來經過潭光清心漾天影
松聲聒耳鳴雲和馬蹄凌兢陟石磴猿臂聯引垂岩阿
舉頭西望見姑射煙林遠繞青嵯峨

和丁志善韻

余去年平陸將入京志善寄詩作別余用韻寄志善云

君到吳山我夏城山齋寂寞硯生水每逢夜雨成新恨

竚望停雲寄遠情去館舊書今暫束閒門無客畫長局
年來病廢知何用擬結江湖鷗鷺盟

過眉山二蘇先生墓

葬處亦謂之戕眉
山在汝州郟縣

玉堂得意少知幾嶺海歸來兩鬢絲此處青山好埋骨
何年赤壁重銜悲應知雙塚秋風日正是連床夜雨時
千古英靈猶不死燭天文焰照戕眉

洪武戊寅予去官平陸有律詩二章曾錄示宋廣
文至洪武辛巳告放歸田里復賡前韻二首仍

簡宋廣文

一別吳山又四年客途流落幾扶顛諸生專業無多子
同官居官有幾員感舊聽殘秋夜雨思鄉吟斷夕陽天
有時一付掀髯笑得失原來是偶然

三年奔走聽朝雞誰料歸來覓舊題塵暗粉垣詩尚在
雨生苔蘚徑都迷天涯遠見孤帆小地底平鋪萬瓦低
何幸再同三二友一樽聊為浣愁棲

紅葉

秋來萬木著新黃只有楓林醉曉霜
炬火乘風焚赤壁錦帆迎日下維揚
亂飄村島迷樵逕遠泛宮溝出苑牆
最愛家園近重九數枝籬外伴秋香

中秋感舊

老到形骸病日侵追思往事倍傷心
故人別我如雲散濁酒同誰對月斟
佳節每從愁裏過舊遊多向夢中尋
當年半醉題詩處猶在瑤臺第一岑

過周尚謙故居

十年行役事多艱一官纔通兩鬢斑
白社儘容陶令醉長沙不放賈生還
草深藥逕經年塞柳映柴門盡日關
未遇遺孤間話舊不堪相對淚潺湲

久雨述懷

秋來連日雨泔泔入夜閒愁苦不禁
冉冉綠苔沿砌長瀟瀟黃葉擁門深
匡時疎拙無奇策憂國衰殘負此心
長夜不眠空倚枕挑燈時復一長吟

題都門送別

鶚章一薦入青雲送別都門酒半樽江口山晴橫紫翠
石頭樹暝欲黃昏郎官本應星辰貴民物均霑雨露恩
佇看功庸書上考綸音重下紫薇宸

九日登瑤臺山

幾年蹤跡漫棲遲今日登臨逸興飛綠酒喜隨藜杖到
白頭須挿菊花歸蒼山日暮林煙合潦水霜清鴈影稀
願祝加飡強健在年來此會莫相違

清明有感

春水初生芹吐芽柳綿飛雪滿澄沙竹雞亂語桑蹊暗
野雉低飛麥隴斜風散紙錢人上塚雨昏喬木客還家
太平有象真堪詠一幅青帘傍杏花

清明登瑤臺

百丈仙臺與客遊和風吹面正輕柔誰家修竹偏臨水
何處垂楊不映樓緩步偶逢佳處歇放懷莫厭醉時謳
君看巫谷橋中水斷送年光日夜流

簡茅津渡梁巡檢二首

遊宦天涯二十年歸來雙鬢已皤然逢人寫帖常求米
送客裁詩不當錢畫虎不成慚我拙登龍有幸喜君賢
金龜不惜知音費也向長安學醉眠

曾向吳山訓子衿豈期貧病苦相侵一身卒歲無衣褐
十口逢灾罄橐金載酒久無來問字絕絃今已少知音
賢侯與我雖非舊傾蓋相知意更深

講堂雨中看新竹

瀟瀟疎雨落庭除數尺新篁解籜餘粉節乍開蛇蛻滑

翠翎初長鳳毛疎不貪異味供佳客須待長竿釣巨魚
若保歲寒心不改閒齋長伴子猷居

千葉石榴花

牡丹開罷到羣芳一種仙葩更異常雨浥繁英雞幘碎
風梳密葉翠翎長舞裙偏愛分腥血笑靨應知姑射香
庭院開時多愛惜莫教秋信到銀床

送外孫蘇敬

時為大同
府學生

流落風塵會合難相逢老淚濕征衫兵餘親舊憑誰問

道遠音書久不緘
函內儀容須默記
墓頭斷碣欲重劖
他年榜首青雲客
擬向南宮問阿咸

送胡叔雅從軍

中條山下分攜處
躍馬南行道路長
挿月雕弓秋有力
倚風寶劔夜生光
龍韜策畧前賢敵
麟閣功名後代揚
奏凱歸來當賜節
忠肝義膽永難忘

初冬述懷

帶起儒冠五十年
悞身方覺為儒冠
家貧那得連朝醉

歲歟難逢一日懽
藜杖縛床宜足矮
木綿裁被稱身寬
功名百念如灰冷
只有詩狂不可鐫

予去歲九日與史文英張仲禮會飲瑤臺山皆有
詩題于觀壁予末句曰但願加餐強健在來年
此會莫相違今年在平陸追和其韻以寄云

秋來為客獨依依
厭見天邊朔鴈飛
在路既歌王式去
荒村偏喜杜陵歸
別來詩酒懽應少
老去親朋見亦稀
九日瑤臺有前約
也應相憶怨相違

和馮大尹九日見寄二首

昔住吳山歲月深歸來聊復別儒林
喜逢佳節陪高宴未向明時歎陸沉
官俸請教供色養芳樽沽得稱閒吟
太平無事雙親健為表當年忠孝心

青山綠樹擁殘陽攜客登高過野堂
千里歸心勞望眼九秋吟興惱詩腸
鷗眠曲水荷應盡蝶遶疎籬菊正芳
歲月無情彈指過不堪衰鬢又添霜

和徐知縣重興學校

開基聖主振宏綱繼統皇王正典常萬道紅光增日彩
千行彩篆粲龍章史官秉筆書鴻業髦士橫經集黌堂
深感熙朝遵祖訓復令吾道藹輝光

戊寅大赦

雜遝懽聲徧九垓金雞銜赦下天街鼎湖已墮乘雲去
寶座初登禁網開萬姓共朝龍虎地五雲常繞鳳凰臺
小臣何幸霑恩澤作頌應慙是菲才

和合浦庾司訓讀書韻

道統相傳只一心聖心日月本來明舞儀靈鳳簫韶奏
告錫玄圭水土平禮樂夔龍千古盛勲庸周召萬人英
自從尼父刪修後不識河汾續得成

梁園寓稿卷七

欽定四庫全書

梁園寓稿卷八

明 王翰 撰

七律

中秋小酌錄呈諸賢友二首

浮雲四斂見臃臃
蟾泣秋霄海霧空
萬里素虹生碧落
九天丹桂墮金風
玉光浮動舞衣上
銀漢橫斜醉眼中
入手酒杯須強飲
不知來歲與誰同

待月空庭得月遲月臨山頂發清輝初離滄海寒光濕
纔轉瑤臺列宿稀清助婆婆看處興影隨零亂舞時衣
相逢盡是他鄉客休唱驚鳥遶樹飛

送曹李二秀才南上

鶚章一薦入青雲恥作求田問舍人銅雀賦成還可貴
錦囊詩在未為貧幸逢聖治隆千古不信儒冠誤一身
二子才奇真倚玉來年占斷杏園春

弔劉敬可

平生時與道相違一官纔通兩鬢絲身後尚存鸚鵡賦
生前空嘆鵲鴝詩蒼天有意應難測黃壤無情更可悲
江上梅花謾開徹一壺村酒與誰攜

環翠軒

茲軒新創古城隈地僻幽尋客到稀風引浮嵐來几席
鳥拖空翠入簷扉長楊拔地青千尺疊嶂當軒玉四圍
單父政平民訟息時來徙倚弄金徽

九日登瑤臺和李儼夫韻

九日攜朋上峻臺擬將笑口酒邊開
天長落日搖林麓
野曠孤煙起草萊
身世飄零容易老
江山如此不常來
今朝幸忝龍山會
醉卧黃花繡作堆

再題玩梅軒

含章殿下春歸去
聊挽東風入硯池
對影莫辭金谷酒
披香空費錦囊詩
不妨月底成三友
何必江南寄一枝
絕勝孤山山下客
空林風雪撲頭時

雨中望條山

樹色昏昏慘不開，靜林何處是樓臺。
巖光隔戶乍無有，雲影過簾常往來。
虞坂泥深愁困驥，傳巖碑濕自生苔。
翠屏何日重相對，欲倩南風掃宿霾。

鹽池曉望

涿鹿城頭曙色分，素池如練迴無塵。
翠屏倒浸山光靜，銀漢平鋪月色新。
五月南風凝雪甸，四時飛鳥避雲津。
想應須待調羹手，擬共江梅入八珍。

虞城送別

寒雲漠漠樹蒼蒼
瘦馬頻驅古坂長
版籍初歸周德化
山川終屬晉封疆
地連虢國風烟合
路入閒田草木荒
送客重嗟興廢事
清笳吹恨滿離腸

王官谷

西風策馬問王官
松逕縈紆上百盤
泉響夜潭穿石竇
峯高天柱矗雲端
一鳴共許才華舊
三詔方知節操寒
花落鳥啼人不見
休休亭上倚欄干

秦樓夕照

此下二首分題
送閏知縣作

簷前歸鳥去紛紛十二欄干帶夕暉
風颺繡旌紅窈窕
光流綺席碧氤氲珠簾捲雨擡秋水
玉笛吟霜遏綵雲
君到神京多壯觀建章鳩鵲隱祥氛

瑤臺夜月

月滿珠宮露滿階鞭驚羽客上瑤臺
香浮明水仙壇靜
雲散秋空桂殿開靈鶴有聲通碧嶂
蟠桃留影印蒼苔
想君他日蓬萊上應對清輝寄遠懷

題蘇莊洞神觀樓

萬疊青山百尺樓倚欄空翠潑雙眸波澄碧簾鋪沙際
霜重紅綃剪樹頭玉洞月明丹火冷寶壇風細劍光流
平生作客多秋興便擬登臨賦遠遊

楊村至張郭店道中

牛羊相喚下高原雞犬柴桑半掩門野水滿陂搖綠靜
疎鐘一扣破黃昏離鴻的的沉沙磧瘦馬時時銜草根
景物令人自悽切不須為客亦消魂

望中條山懷道卿王先生

雨洗烟嵐千萬岑卜居真得古人心

用司空圖事

黃金揮盡

詩書富白髮從生道義深出處須因時顯晦聲名不逐
世浮沉幾時聽雨蓬窓底樽酒論文細細斟

過陽城祠

荊棘叢深隱壞垣半庭殘甃草芊芊餘生本擬成孤憤
直諫雖伸已五年嶺徼風煙驚鵬鳥條山花木怨啼鵲
當初只合終佳遯謾費昌黎論一篇

重遊栢塔寺有感

曾伴衰翁宿上房海榴樹下掛詩囊白雲隔洞迷雞犬
翠竹摧梢失鳳凰人呼山為鳳凰頭靈籟聲回驚殿鐸雨花香
散滿禪床遠公化去誰同話月落空庭塔影長

瑤臺頂

已下八首送趙原仁赴京

十二仙鬟接紫青玉田日暖曉烟輕風回鶴駕鸞聲遠
月濕鯨波兔影清古殿秋陰雷雨黑蒼崖返照瀑泉明
恨無畫手王摩詰寫作新圖送客行

秦樓

瀟瀟棟宇自明昌城郭人民半杳茫簾捲太行秋氣壯
窓搖汾水素波光目窮白鳥天邊樹詩落青山雲外莊
於此登臨送君去闌干留我倚斜陽

涑水

一派靈源滾滾來風搖錦浪岸花開橋分野色行人去
雨沒沙痕釣客回秋淨霜澄明似練春深烟染碧如苔
羨君自有朝宗志莫怪磯頭鷗鷺猜

碧流橋

山下寒泉勝醴甘
板橋倒影靜波涵
闌干春曉看魚樂
蹤跡霜晨見客貪
洗耳欣聞清漱玉
染衣偏愛翠揉藍
勸君莫愴河梁別
擬泛星槎到斗南

巫咸谷橋

陵谷誰知幾變遷
市橋猶號古商賢
紅塵閒看送車馬
綠水靜聞流管絃
萬古山川能尚質
一時花柳自爭妍
王家平久君當勉
莫作臨歧一愴然

司馬斷碑

事業堂堂三代前可憐碑石幾多傳眉山手墨已無半
哲廟宸書僅得全荒塚雨餘生直棘杏園春晚少啼鵲
江南君到逢司馬為問渠孫若箇賢

巫咸谷

深谷逶迤策馬過松門行盡入煙蘿鳳聲出樹大音作
鳥跡留沙古篆多草樹昔年霑帝澤泉流今日是恩波
知君要上經綸策未許煙霞理釣蓑

禹城

空城隱隱枕鳴條大禹卑宮萬國朝九數契中非出洛
八年在外獨乘橈雨收殘壘苔痕綠燒過高臺草色焦
君去明州經會稽神祠走奠莫辭遙

栢塔寺

已下十首送趙
原仁歸浙東

崑隈寺古極幽尋石逕人稀苔蘚深寶鐸有聲生晚籟
栢林無雨結秋陰山猿抱子眠青竹野鹿生麋下碧岑
君正妙年方樹立未甘習靜便投簪

正心堂

昔人經制有規箴名扁公堂作正心方寸不敬天地位
氣機才動鬼神臨無私自覺琴書樂有止何勞簿領尋
分手屬君崇此志他年階下有棠陰

巫咸頂

孤峯削出冠羣山古洞陰風振畫欄翠竹尚敲環珮冷
白雲猶點鬢毛斑兩朝勛耀壁經在千古斜陽草樹閑
於此送君還有擬商家相業尚能攀

孤石嶺

鳥道縈紆入太虛雲根百丈峙山隅錦苔春滑擋機後
玉骨秋寒塞海餘蒼怪合教狂米拜秀靈端似美人居
南歸送過石城下好倩西風鴈寄書

楊公祠

中條山下古祠荒祠下疎槐葉半黃五載醉鄉心兀兀
一封諫疏語琅琅朝廷獨立寸心赤嶺徼思歸兩鬢霜
此去却當書上考五雲飛出紫泥香

玉谿

樹陰回合四圍山一道飛泉轉玉環
嫩竹掃花風外亞新苔封字雨中斑
韋編三絕誰能贊麟筆千年獨可攀
更羨君才長史學會看執政紀朝班

中條山

首尾相蟠千里來中分關陝勢崔嵬
鑿開地脈黃流出劈破雲根翠壁開
古雪埋峯明劒戟蒼烟鎖樹失樓臺
金陵自古多佳麗詩到鍾山不易裁

李綽堰

長堤西去勢蜿蜒經理相傳大定賢
秋蚓行泥身确确蒼龍照水影翩翩
綠楊三月飛春雪碧草千年起暮烟
君到汴河南去路擬將詩句詠當年

原上寺

高原古剎四無鄰水石清幽洗毒塵
林下誦經翻貝葉籬邊掃雪折霜筠
風回峻嶺猿聲響雨過沿溪虎跡新
護國招提有真印參禪應現宰官身

譙樓秋望

樓下九衢千丈塵樓頭爽氣豁煩襟秋高姑射林煙薄
霜落長汾鴈影沉萬物生成君相力二儀清靜聖賢心
掀髯大笑無人識徙倚闌干獨自吟

讀馮瀛王長樂叙

五朝榮寵正堪羞忍更為文耀士流節義却交王婦立
安危徒羨聶生憂兔園文鄙誰堪讀鄉國臺高謾久留
閉口安身竊師保不知誰起告嘉猷

送丁大尹之稷山

百里歌謠化已深
改轅何以慰民心
情高未減藍田記
道重宜橫單父琴
姑射月高秋寂寂
素汾霜落晚沉沉
福星今夜西南望
一片閑雲思不任

宿介休

吟斷西風首重搔
一肩行李不勝勞
雲移天影霽光淡
雨洗山容秋氣高
末路艱危心易感
少年凌轢意偏豪
月明孤館不成夢
起坐挑燈讀楚騷

上張思廣助教

歲月多因酒破除自慚彈鋏為歌魚萬夫膽氣雙蓬鬢
四海聲名一草廬霍岳雨晴神惠溥堯祠風煖聖心虛
年來頗有江湖夢且莫頻修光範書

題李延齡罔極堂詩卷

萬里燕城烽火飛天涯親骨未曾歸白雲遮眼荒山遠
春雨驚心宿草稀風急廣庭無靜木月寒總帳有明衣
吾親亦被兵塵隔安得相逢淚不揮

題高以正正心齋詩卷

鏡裏靈臺本湛然不知何處得雲烟河源既濁流難潔
竿表先傾影亦偏若向靜時無隔蔽不容動處指婁妍
羨君有志窺賢聖霽月光風共此天

送李可宗歸汴

中原烽火二十年避地今成雪滿顛無柰憶鄉愁似海
不禁哭子淚如泉入門惆悵看松菊隔水依稀認墓田
此夜中條山館裏歸心應不負啼鵲

偶書二首

大笑高吟泄不平區區寵辱若為驚
舌頭極快深藏劍意緒難防
類守城五反自當懲小忿三休足可了余生
蓬窓終日忘形坐一席從教野老爭

庸庸韞線愧才疎多口曾招禍有餘
去就已如巢幕燕功名渾類上竿魚
昨非今是無多遠覆雨翻雲一任渠
萬事從今都撥置荷鉏歸去理殘書

喜雨二首

六合塵埃眼孔黃百年愁思鬢毛蒼
輕雷欲送千山雨

灝氣先供一枕涼
須覺風光成樂土
忽疑身世上羲皇
須臾雲破還山出的林
稍挂夕陽

鳴鳩拖雨過中條
清意令人酒半消
香靄畫簾凝不動
烟沉綠樹聚還飄
大田多稼望中變
八月滄江枕上潮
耕鑿雖勤皆帝力
昇平今見到漁樵

送陳主簿歸四明

獵獵南風颭艤舟
一杯聊為浣離愁
洛陽醉裏花經眼
隋岸行時柳拂頭
一卷離騷吟澤國
半肩襜褕舞滄洲

幾時結屋鄮山下釣月畊雲共白鷗

送楊東文赴京

中條山下柳絲飛送客花村問酒旗風遶晴嵐沉極浦
雨添新水漲前磯問程見說孤烟外散飲那逢落照時
渭北江東更愁絕暮雲春樹總相思

和陳克齋清明登瑤臺有感

曾將簿領上仙臺今日清明偶獨來接步翠藤搖露下
題名青壁拂雲開自收栢子歸香鼎旋拾松花入酒醅

如此山川良不惡無端鄉思更難裁

物外僊山十二臺松間騎馬記曾來思鄉懷古腸堪斷
感物傷時眼倦開窈窕一聲青玉案葡萄千斛紫霞醅
無邊花柳皆愁思何事東君費剪裁

露洗空山白玉臺當年金母御風來礪邊瑤草香難歇
洞裏碧桃花自開雨後苔痕侵舊字座間山影蘸新醅
去家遊子愁千種白紵輕衫誰與裁

和悼亡二首

夢覺西窗淚暗流不堪春盡獨登樓
蛛絲度過紫羅幌燕子飛來上玉鉤
心事不隨蕉葉展淚痕更比燭花稠
從今不傍闌干角曾倚瓊肩對月謳

九泉玉骨已埋冰哭盡東風竟失聲
萬古香魂心不死一春嬌眼淚難晴
珠沉滄海終無夢劍合延津自有情
幾欲寫真何處擬梨花和月上銀屏

孤山道中二首

一徑通村入翠微巖花清曉正霏霏
崖鴉失侶頻相喚

野雉將雛近不飛
晨汲轆轤鳴北室
夜眠襪襖挂柴扉
月高天吠空林靜
多是山人採藥歸

四望田疇如掌平
孤峯拔起近蒼冥
半山傑閣依空住
一炷清香下界馨
石洞往看龍氣黑
雲龕夜見佛燈青
悔來不著登山屐
自掃天花禮上層

福善寺宣和畫壁

宣和崇畫古來稀
名筆誰知向此揮
貝葉寫成清梵語
空花飛滿古天衣
呪師持鉢降龍下
禪子談經跨虎歸

他日重來持粉墨近窓臨榻得依稀

福善寺開元石幢

孤山山下開元寺石刻觚稜尚宛然
琬琰字形存晉法
依稀文律記唐賢
樹經劫火枝全死
塔裂驚靈瓦半懸
階下村翁還好事
摩挲為問幾何年

班管清響異常予甚愛之昨失於道以其相從最
久為吾樂多矣不能忘情作詩紀之

秀出千林特異材
失來一月不登臺
揚州祠下催瓊藥

赤壁磯頭送酒杯對月幾傷閑袖手臨風可忍謾支頰
繁絃急管徒塵耳卧聽空山萬竅哀

喜雨和朱宣韻

時逼新秋旱愈加穰穰無復滿田車雲頭迸電金繩出
雨脚垂天玉柱斜蝸上空牆留篆字蚓穿平地破苔花
使君亭上詩成後為播芳名及遠遐

先約九日共城中諸賢友登瑤臺至日風雨大作
予處荒村無菊酒自娛閉門兀坐終日晚命童

兒取筆書近體詩明日寄與約者

物外仙臺許共遊
幅巾藜杖映清秋
黃華空歎歲年暮
白髮不禁風雨愁
有帖催租敗詩興
無錢對酒恐囊羞
明年再會俱強健
一躡凌雲到上頭

中秋對月望瑶臺感舊兼簡城中諸朋友二首

碧落無雲河漢流
野亭孤坐思悠悠
廣寒殿啟銀蟾躍
古桂香飄玉斧收
詩客久回千里駕
仙臺高接五城樓
遙知樽酒陪清賞
簫罷臨風恣唱酬

孤負中秋又一年
草窻閑坐不成眠
莫辭醪酒十分滿
能對清輝幾度圓
三匝短歌悲晚景
一聲長笛破秋烟
人生憂樂無窮達
莫把清狂說玉川

送解克銘周仲玉吳所宗赴京

萬疊青山萬疊愁
茅津飲餞整維舟
避名不必言雞鳳
混迹何妨喚馬牛
雨霽烟嵐分島嶼
水生鳬鴈下汀洲
殊鄉風物須珍重
堂上慈親已白頭

苦雨用洪武韻成

白日韜光不肯晴，擁衾熟睡失昏明。
雲來窻戶蛟龍入，水積堂階蛙蚓行。
欲買扁舟繫籬落，只愁平地化滄溟。
誰言煉石神功大，不與秋旻補漏傾。

解氏從子繼嗣詩卷

百派泉分共此源，一支纔絕痛終天。
楷模少似盧家正，風義多稱鄧氏賢。
識字更過阿買俊，能詩未及仲容年。
芝蘭玉樹階庭物，詎肯低眉愧謝玄。

寄李延齡

回首匆匆歲又殘
新裁詩句問平安
竹窗夜讀薰爐煖
芸閣冬眠布被寒
客久莫辭杯潃灑
官貧休厭菜闌干
馮君若問予生意
贏得豐年菽水歡

梁園寓稿卷八

欽定四庫全書

梁園寓稿卷九

明 王翰 撰

七律

平陸縣丞何德舉吾文字友也官滿報政京師近
書來陞嵩縣知縣余作近體詩答之

塵慮今朝一笑開
嵩陽賢令寄書來
但驚風雨生華翰
頗覺陽春被草萊
攜酒入雲尋好石
談詩和月坐蒼苔

如今情致都無此欲報瓊瑤愧不才

言懷東解州典教黎先生

袖拂烟霞卧石磯平田漠漠樹依依碧天雲靜鶴心遠
白露江寒鴈影稀微命未霑生不偶老懷雖壯事多違
中條儘有誅茅處一任王孫歸不歸

虞城懷古

虞坂山深樹石蒼偶來弔古獨彷徨草生夜雨閑田綠
蓬斷秋風假道荒霸業千年慙詭譎忠臣一諫繫存亡

行人莫向空城宿
拍枕河聲東去長

燈夕在平陸感舊三首

曾向斜街寄醉眠
燕城回首幾經年
風柔廣陌燈初挂
雲散仙臺月正懸
吟筆欲揮詩唾玉
舞裙才動步生蓮
而今寂寞揚雄宅
獨對長檠雪滿氈

海子橋頭踏月明
金魚館裏聽簫聲
九重燈火連三夜
萬井笙歌徹五更
綺陌人歸珠翠落
綵雲仙下珮環輕
轉頭已作昇平夢
誰信桑田碧海生

佳節相逢處處同
老來無復舊情悰
山城歲歎燈還惡
官舍愁深酒不釀
末路行藏詩句裏
故鄉風物夢寬中
夜深孤坐無人語
閑撥爐灰到暮鐘

遊西城馮叟花園二首

小圃尋幽攬轡過
地偏花木得春多
燕回芳草輕輕舞
鶯入垂楊緩緩歌
蒼苔引條舒翠幄
牡丹開萼捲香羅
浮生好向花前醉
歲月無情柰老何

張谷東頭訪隱君
柳花吹雪白紛紛
藥苗經雨和煙種

泉脈穿雲帶月分僧謁晨齋燒玉筍客來晚飯煮香芹
清歡未盡催歸去啼鳥一聲春日曛

喜雨再用前韻似丁大尹

龍公傾雨洒愆陽挽落銀河萬丈長華委亂紅霑曉砌
苔生新綠徧陰牆煙空洲渚薰葭靜水滿陂田攬稔香
賴有琴堂賢守令聊將詩句寫荒涼

觀舞天魔

憶昔開元天上樂遺音傳向世間來
鷗弦夜撥風生殿

羯鼓春敲花滿臺
荔子漿寒醒未解
海棠日煖夢初回
誰知百戰功成後
一曲霓裳種禍胎

九日無菊

常年九日爭攀菊
今歲秋香似要催
詩客每怜佳節近
花神還待蚤霜開
江頭子美空搖艣
籬下淵明懶舉杯
蕭索故園惟落木
紛紛蜂蝶謾飛來

洪武甲子中秋夜
祀風雷山川前此
積雨是夜晴
霽喜而賦詩以誌云

連日靈霖此夜乾滿天星月照虛壇靈風微動飄鐘磬
清露斜飛濕佩冠祈報有常羣物阜幽明無間寸心丹
山林野客知何幸亦入駕行列後班

宮之奇廟

空山遺廟遠難尋斜入荒林一逕陰碧瓦落風蒼鼠走
畫梁窺月訓狐吟顛軫兵入亡唇齒函谷臣歸去腹心
若此貪昏何可諫知機難似五羊深

古齒塚

在平陸西
山堡下

西山堡下埋殤處冤魄啾啾哭
可怜月黑平郊冤燐走
雨昏深草鬼狐眠荒墳久揜衣冠化枯骨
猶傷箭鏃穿
安得銷兵長不用直令黔首盡天年

平陸城樓晚望

連日南風掃宿霾
高樓獨上遣羈懷
山圍晉國千峯合
河壯秦關萬里來
鴈帶斷雲歸極浦
鴉鳴殘日下高厓
茅津碕口人爭渡
一片輕帆向晚開

病中遣懷東王居賢監稅

客中伏枕值清和，強起推窗看雨過。
萬片晴雲歸太華，千巖流水灌長河。
菜挑翠縷初登俎，杏綴黃金重壓柯。
為問維揚老詩伯，杖藜攜酒樂如何。

再用夏日即事韻答丁志善

端坐槐陰日欲斜，畫長多睡更思茶。
山頭雨過堆青翠，天際風輕散暮霞。
割盡黃雲人刈麥，削開蒼玉客分瓜。
賡酬共擬陶情思，誰得佳章筆有華。

雪夜遣懷二首

雪後山房寒意饒卧聞風怒響林梢烏啼壞堞悲無食
鶴立高松喜有巢濁酒沽來聊慰藉拙詩吟罷更推敲
剡溪有興誰堪訪閑探梅華過遠郊

山寒挾雪晚稜稜半樹梅華瘦不勝幾縷茶烟晨竈煖
一爐松火夜窻明年光冉冉壯心盡世事紛紛客夢驚
擬買綠蓑歸去好五湖煙水一魚罾

歸興

何不歸來老尚饕孰令奔走混兒曹價蕪始識吳鉤利

和寡方知郢曲高
往事無成空墮甌
世情多險每藏刀
故山舊隱林泉右
莫作栖烏傍月號

竹林寺

金舌和尚道場

來訪山中古道場
憇眠聊借贊公房
三生定水龍花供
一味枯禪栢子香
風逗竹聲晴作雨
山含灝氣晚生涼
高僧茶罷跏趺坐
愧我棲遲兩鬢霜

題周尚謙金陵送別卷

尚謙奔母憂

白下相逢醉玉缸
豈期玄問促歸裝
雨昏江浦暮颿香

雲接淮山春樹長
忍看哀音藏篋笥
難忘慈線在衣裳
到家正是薰風候
應對萱華淚萬行

讀元人詩選選中虞詩居多

適來文物百餘年
總萃才華共一編
瀚海風高鯢獨運
朝陽日暖鳳孤騫
九州寶鼎千鈞重
一串驪珠百顆圓
珍重囊箱莫遺放
他年須待注家傳

內多虞伯生作
故以鯢鳳及之

雪興

空中萬鶴舞翩翩
林下幽人喜欲顛
香爇半消琴罷操

燭華未翦句成聯興隨藜杖孤山下夢遶扁舟剡水邊
更擬江臯新卜築短蓑披玉釣寒煙

送江源南還

源從予受業年十三從父前縣丞江以德仕往
柳州竟歿於任源收其骨艱難來歸今還葬於
江西廣信府

萬里從遊竟獨歸不堪淚盡瘴江陞宗原去世英靈活
惠叔收親骨相奇丹荔黃蕉蠻客祭素車白旒楚人悲

祇今南去誰相慰欲作哀吟恐不支

送洪洞劉允中入關

自攜書劍入西州到處登臨數日留青蓋遠分關樹曉
碧峯高聳嶽蓮秋栢梁臺下尋詩去皇子陂前載酒游
回首西風動鄉念壯懷應不賦登樓

和鄧舍韻二首

從來瑾玉不藏瑕芹泮叨食幾歲華佳句已承來甲第
好書還擬與東家素絲種種渾如雪銀海昏昏眩有花

百事無成空潦倒蓬門載酒敢停車

皎如白璧瑩無瑕肝肺崢嶸吐皓華新政喜聞廉叔度
義風孰效魯朱家揮毫早已吟風葉聽履應須掃落花
自愧清貧無一物近來詩藁欲盈車

折股後呈諸友人

憂患因身苦不知折來未是學良醫垂堂自忽千金戒
大厦元非一木支鑿齒自甘纔半足曾參深為不全悲
訪君莫怪來常晚遐軌從今不可追

金陵送別圖

幾年與子賦同袍
白下分攜首重搔
行李挈來金薤重
離筵飲處玉瓶高
風飄鳬鴈晴還遠
浪挾魚龍晚更豪
會向萍鄉問嘉政
相思莫遣夢勞勞

與鄒知縣相公

九重屬意為民深
守令清銜豈易任
賓客屯雲希解帶
簿書流水靜彈琴
徵求殊欠催科計
考績方知撫字心
會待治成三載後
滿城花柳藹春陰

上軍官

上將臨戎擁碧油營屯萬竈駐貔貅身輕百戰勇無敵
威重三邊功最優刁斗月明嚴警夜兜鍪霜冷正防秋
歸來擬挂封侯印圖畫凌烟閣上頭

簡孫縣丞

一見冰銜識至公好輸贊佐著民庸千家開戶夜無盜
足馬行田秋有農詩句偶成閑寫竹簿書纔簡便哦松
他年胄史書良吏擬上嘉名繼召龔

與張文秀教諭

廣文標致不可及皎皎渾如出水蓮才器直為金馬客
文章真是玉堂僊年年士子登甲第日日衣冠肅講筵
官俸雖清能愛客客來未便坐無氈

白燕

王謝堂前寄此生邇年毛骨變輕明烏衣道遠歸來老
紅線樓高飛出驚華月照梁空有影柳風吹雪只聞聲
誰家寶匣新開處應對青鸞恨不勝

黑蝴蝶

一自南華夢裏驚，守玄心悟更通靈。
鐵絲細剪雙眉曲，墨紙新裁兩翅輕。
燕子簾前渾髣髴，梨花枝上最分明。
天然不用施朱粉，容易滕王為寫生。

紅梨花

西郭墻頭帶雨枝，春風特與換芳姿。
香同白雪鶯難認，影落紅雲蝶欲癡。
醺醖醺酣春未醒，胭脂勻淺曉偏宜。
世間縱有徐熙筆，畫出奇葩更可疑。

白桃花

武陵仙子厭紅裳
欲與梨花鬪靚芳
崔護再來難映面
劉郎歸去不成粧
青條辨李無繁葉
縹蒂疑梅欠異香
陌上看時偏被惱
難吟難認更難忘

葡萄酒

揉碎含霜黑水晶
春波灩灩煖霞生
甘漿細挹紅泉溜
淺沫輕浮絳雪明
金剪玉鉤新製法
紫駝銀甕舊豪名
客愁萬斛可消遣
一斗涼州換未平

言懷簡丁志善三首

揮涕臨歧作別難
豈期今日偶生還
早知刺舌懲多口
何事低眉致厚顏
詩寄碧雲生晚戍
書來黃葉滿秋山
一盃濁酒清燈夜
猶恐相逢是夢間

白首如新固不虛
操戈機變更愁余
早年定約成婚嫁
歲晚相期共卜居
本為叔牙知管仲
豈期張耳害陳餘
自今取友須加慎
至聖猶言失宰予

百年能得幾迴過
耳熱寧辭頻蹋歌
淥酒暫烘顴頰赤

金匱山房詩集 卷九
玄霜難染鬢毛皤閑中倒指同年少老限驚心去日多
千里不辭雞黍約好將伐木苦吟哦

再遊竹林寺

碑石千年記李唐高僧神異更張皇山間木潤龍騰氣
林際燈明佛放光金舌有人傳正印石頭無客問空王
我來暫借禪床坐閑漱清泉淨永香

上劉道益知縣

半世儒冠不負予清時甘分作樵漁買牛已賣腰間劍

換米從招架上書美政共推賢守令僑居渾勝舊鄉閭
相從六七青衿子時詠春風學舞雩

簡暢真空上人

萬頃澄波片月沉觀時似有却難尋菩提作樹元非相
玉鏡生塵豈是心三世願香飄靜界諸天法雨洒檀林
何時盡棄人間事為問無生對碧岑

侯村寺遣懷二首

徑寸明珠忍暗投浮雲富貴不須求東山有識方高枕

渭水無心下直鉤隨柳偶從前浦去看花閑到上方遊
何時婚嫁塵緣畢爛醉秋風上釣舟

我為勞形損性靈時來野寺伴山僧拂開素壁留新句
別落蒼苔讀舊銘花雨遠從天外至磬聲多向月中聽
幽窻一夜渾無寐洗盡塵根兩耳清

遊靜林寺

尋幽偶到南山寺絕境人間那得雙貝葉繙經神鹿聽
曇華貯水毒龍降法雷振座響磬鐸靈風入殿搖幡幢

題詩每向上方宿雪峯倒影沉西窓

得南信四首

死別吞聲事已難何如生別徹心酸青絲尚繫殘箴綫
絳縷猶存舊帶顰瘡海不收泉下骨荒山誰葬木皮棺
只緣老病身猶在哭得無聲淚始乾

聞道烏蒙萬里州天南地北兩悠悠饑來口喫誰家飯
死去屍填何處溝衣弊不堪逢歲暮囊空兼恐值年憂
白頭未白餘多少消得秋風一夜愁

傳來消息未全真生死應知子母分
蚤解胡笳悲蔡琰
不嫌荆布嫁陳雲
長號夜雨垂青血
薄祭秋風亂白紛
南望雲南在何處
鴈行淒斷不堪聞

負汝逃生出四圍
饑寒奔走入山隈
父從舊友干衣去
母向隣家借米回
早是幼時長處困
誰知嫁後又逢災
佳人命薄誠如此
毀壁長歌心更哀

謁三皇廟

混沌鑿來天地分
蚩蚩鹿豕尚同羣
龜圖已闡先天畫

鳥迹初呈上古文
肇創禮儀猶罔象
未開風氣自氤氲
誰還太古熙熙俗
卉服窪樽讀典墳

春日郊行

林外鳩鳴客夢殘
起來隨意岸青綸
春深池面生新水
晚霽雲頭露遠山
野寺穠花飛蛺蝶
高岑喬木轉綿蠻
杖挑二百青錢在
擬買村醪一醉還

侯村夏日即事

睡足西窓日尚留
起來推枕強梳頭
一川麥浪荒村遠

滿院松陰野寺幽徒見衣冠驚俗輩空教文字邁時流
朱門欲謁誰青眼擬向溪邊買釣舟

傅巖曉霽

雲過西山宿雨收
霏霏空翠潑雙眸
清流抱磻鳴沙磧
白鷺依林下
蓼洲野廟丹青從古寫
空山版築至今留
年年民庶思霖雨
猶向高巖祠下求

茅津晚渡

峽束春濤萬丈深
喚船人立石巖陰
棹聲欸乃連山應

旗影悠揚隔水深宿雨乍收山積翠夕陽倒射浪浮金
南來北去人空老浩浩東流無古今

金雞曉月

一山雄峙太陽津絕頂翹翹迥出羣碧樹九秋含月色
黃流千古抱雲根雨平故壘金函出水打荒墳石柳傾
幸際太平無警急高原時見老農耕

吳廟秋風

勾吳樹業向荆南至德曾聞固讓三永立武王元有道

金少曰卷之三
卷九
受封虞仲更何慙碑殘野火文全滅樹響山風戰欲酣
禽鳥亦知亡國恨向人啼斷入烟嵐

閒田春色

斂社重尋瓜瓞詩二君被化聖明時人心似日雲煙蔽
聖德如天草木知風煖平原花發早雨昏高樹鳥歸遲
如今猶有風流在阡陌縱橫不忍犁

沙間桃林

十里芳桃蒸晚霞一川紅雨點溪沙沙汀浪煖漁舟出

茅屋風輕酒旆斜
陌上箎弦多醉客
林間雞犬有仙家
此中疑是秦人種
策杖尋源逐落花

虞城暮雨

凍雨森森萬竹齊
獨驅羸馬踏青泥
顛幹礪險垣墉護
畢軫城荒蔓草迷
井伯不忠宜作虜
百奚先去更知機
徘徊欲問鄖門處
滿目西風禾黍低

條山積雪

三日高眠閉小齋
西山一望失樓臺
傍巖松竹璫林列

當戶峯巒畫帳開青旂曉誇新酒出玉簫寒駕小舟來
披衣閑拓巖窓看原上鳴弓獵騎排

箕山落照

行盡箕山第幾重亂峯高下夕陽紅泥塗軒冕變龍上
土木形骸鹿豕中洗耳溪頭餘晚瀨棄瓢巖畔有寒松
自從避讓歸何處一入霞烟更不逢

底柱鳴澗

一柱亭亭似削成峽深雲冷古苔青洄波浮沫雙輪轉

巨浪漂山萬鼓鳴
鬼鑿尚留神禹迹
龍圖高拱帝虞靈
如今聖代當呈瑞
直待何年始見清

謝李榮惠棗實

君園紫玉三百斛
分散貧家勝赤珠
晨食甘香宜豆粥
晚炊柔脆雜雕胡
作饌尤可供兒索
和藥須知益老癯
准擬買田酬夙願
耕餘親手種千株

食苜蓿

東臯雨過土膏潤
採擷登厨露未晞
生處碧條儕覓藿

糝時白粲埒珠璣
闌干敢傲詩人諷
願領多慙戰馬肥
還勝紅藍徧中國
治容爭不濟年饑

中留道中

秋風爛漫熟禾黍
夾路垂垂棗盡紅
長鎌在腰來婦女
小籃負背走兒童
野菊開花清露濕
樓桑墜葉白烟籠
夕陽山下少人去
杖藜隨意數飛鴻

寄董仲倫四首

天地清空一點塵
此身聚散夢難真
閉門咸谷花爭發

策杖王官草自春榮辱盡拋身世了行藏都入笑談新
堂堂正道行將去更莫回頭別問津

不見能詩董召南夢中時復接清譚韜潛每愛龜藏六
貪得常嗔狙怒三臨晉河深魴鯉出首陽山近蕨薇甘
高堂戲綵娛親暇萬卷圖書燈一龕

同學連床聽兩眠此情回首幾經年愁心多碎蟲聲裏
歸夢常懸鴈影邊兒女漸多生計薄文章雖拙道根全
興來抱膝吟梁甫憊卧西窓日滿川


自信肝腸是鐵石愁來寸寸即成灰西飛白日誰能繫
東注黃流可得回造物戲人真窟壘才名忌我太崔嵬
林泉處處埋名了野鳥岩花勸一杯

雪巢為張子玄道士賦

團團茅蓋一巢輕雪滿千山虛白生象外乾坤還太古
望中樓觀盡通明雲藏宿鶴渾無跡水落長松暗有聲
人在空寒最高處羽衣瑤佩不勝清

和靳天章彭城懷古

戲馬臺前擁旆旌三齊纔破到彭城項王帳底猶虞舞
漢祖軍中盡楚聲百二山河功自棄八千子弟勢都傾
月明閒却烏江渡長使英雄恨不平



梁園寓稿卷九